



Namminersorlutik Oqartussat nalunaarutaata iluarsaanneqarnissaa pillugu imeqqutaallat manniinik mannissarniarsinnaaneq pillugu Naalakkersuisut kingusinnerpaamik UPA2027 sumiiffikkaartumik attuumassuteqartunut tusarniaaqullugit Inatsisartut aalajangiiffigisassaattut siunnersuut. Piffissaq annertussusaalu peqassutsip pigineqaannarnissaa eqqarsaatigalugu Naalakkersuisut aalajangerlugulu aqussavaat.

(Inatsisartunut ilaasortaq Jens NapätôK', Naleraq)

(Siullermeerineq)

Inatsisartunut ilaasortap Jens NapätôK'-p siunnersuutaanut qujanaq.

Piniartarnek, katersisarnerlu pillugit malittarisassat, inuit ulluinnarni taakkunannga atugaqartut qulaatiinnarlugit aalajangersarneqanginnissaat Demokraatinut pingaaruteqarpoq.

Imeqqutaallat manniinik mannissartarnek nerisassaqarniarnermut tunngaannangilaq. Nalinginnaasumik, kulturitigullu kinaassutsitsinnut aamma ilaavoq. Ilisimasanut kingornussanut, pinngortitamut ataqqinninnermut, peqqumaasersornermut, ilaqtariippassuillu nunamut, immamut, ukiullu qanoq ilinerinut sulii atassuseqarnerinut tunngavoq.

Tamanna pillugu malittarisassat allangussappata, tamanna pitinnagu najukkami inuiaqatigiit eqqugaasut tusarniaaffigineqaqqaarnissaat naleqquppoq. Najukkami ilisimasat biologit siunnersuinerinut taarsiinnaangillat, najukkamilu pissutsit ilisimanagit biologit siunnersuineri kisimiissinnaangillat. Ataatsimoortillugit eqqarsaatigineqassapput.

Ilutigisaanik amerlassusaasa illersorneqarnissaat Demokraatit pingaartippaat. Tamanna pillugu najukkami tunngaveqarnerusumik malittarisassiuussineq akisussaassuseqartumik, pinngortitallu piujuarnissaanik eqqarsaatiginnittumik pisariaqarpoq. Pinngortitap tunniussinnaasaanik killilersugaanani atuineq, pinngortitap paarinissanut aamma akisussaaffeqartariaqarpoq.

Tamanna pillugu aalajangiinerit pitsaanerusumik, paasissutissanillu tunngavilimmik aalajangerneqarsinnaaniassammata, sumiiffinni eqqugaasuni tusarniaasoqassasoq tapersorsorparput.

Demokraatit inassutigaat, siunnersuut Aalisarnermut, Piniarnermut Nunalerinermullu Ataatsimiititaliami nangillugu oqaluuserineqassasoq.